



Broj: 01-50-1-15-47/04.
Sarajevo, 2. decembra 2004.

ZAPISNIK

47. sjednice Predstavničkog doma
Parlamentarne skupštine Bosne i Hercegovine,
održane 2. decembra 2004. godine

Sjednica je počela u 10,15 sati. Prisustvovalo je 37 poslanika. Opravdano je kasnio Abdulah Nakaš, a odsustvo sa sjednice opravdali su: Zlatko Lagumdžija, Seada Palavrić i Tihomir Gligorić.

Iz Vijeća ministara prisustvovali su ministrica finansija i trezora Ljerka Marić i zamjenica ministra odbrane Marina Pendeš.

Iz međunarodnih organizacija sjednicu su pratili: Maja Ribar i Sanja Stanojević – OHR, Mirsad Žiga – američka ambasada.

Jednom dijelu sjednice prisustvovao je gosp. Gustav Selva, predsjednik Vanjskopolitičkog odbora Predstavničkog doma Parlamenta Italije.

Predsjedavajući Doma Martin Raguž u uvodnim napomenama o prijedlogu dnevnog reda iznio je dopune ranije predloženog dnevnog reda koje su usaglašene na Kolegiju Doma u proširenom sastavu. Također je upoznao poslanike da će se u 10,50 sati dati pauza u zasjedanju kako bi poslanici prisustvovali ceremoniji preuzimanja mirovne misije EUFOR-a od SFOR-a, koja će se održati istog dana u bazi u Butmiru.

O prijedlogu dnevnog reda nije bilo rasprave.

Predsjedavajući je konstatirao da 47. sjednica ima sljedeći

DNEVNI RED

1. Zapisnik 46. sjednice Predstavničkog doma,
2. Poslanička pitanja i odgovori,
3. Zahtjev poslanika Mirsada Ćemana za razmatranje Prijedloga zakona o prijenosu poslova medijacije na udruženje medijatora po hitnom postupku, u skladu s članom 105. Poslovnika,
4. Zahtjev Administrativne komisije Predstavničkog doma za razmatranje Prijedloga zakona o dopuni Zakona o državnoj službi u institucijama Bosne i Hercegovine po hitnom postupku, u skladu s članom 105. Poslovnika,
5. Zahtjev Administrativne komisije Predstavničkog doma za razmatranje Prijedloga zakona o dopuni Zakona o radu u institucijama BiH po hitnom postupku, u skladu s članom 105. Poslovnika,
6. Zahtjev Predsjedništva BiH za razmatranje Prijedloga zakona o izmjenama i dopunama Zakona o Centralnoj banci BiH po hitnom postupku, u skladu s članom 104. Poslovnika,
7. Prijedlog zakona o učešću pripadnika oružanih snaga BiH, državnih službenika i ostalih zaposlenih u mirovnim operacijama i drugim aktivnostima u inozemstvu (prvo čitanje) – predlažać poslanik Momčilo Novaković,

8. Prijedlog zakona o izmjeni Zakona o sistemu indirektnog oporezivanja u BiH sa Izvještajem Komisije za finansije i budžet (predlagač Zakona poslanik Momčilo Novaković),
9. Izvještaj Zajedničke komisije o nastojanju za postizanje sporazuma o identičnom tekstu Zakona o Agenciji za unapređenje inozemnih investicija u BiH,
10. Izvještaj Zajedničke komisije o nastojanju za postizanje sporazuma o identičnom tekstu zakona o izmjenama i dopunama Zakona o Sudu BiH,
11. Izvještaj Zajedničke komisije o nastojanju za postizanje sporazuma o identičnom tekstu Zakona o izmjenama i dopunama Zakona o Tužilaštvu BiH,
12. Izvještaj Zajedničke komisije o nastojanju za postizanje sporazuma o identičnom tekstu Zakona o ustupanju predmeta od strane Međunarodnog krivičnog suda za bivšu Jugoslaviju Tužilaštvu Bosne i Hercegovine i korištenju dokaza pribavljenih od Međunarodnog krivičnog suda za bivšu Jugoslaviju u postupcima pred sudovima u Bosni i Hercegovini,
13. Izvještaj Zajedničke komisije o nastojanju za postizanje sporazuma o identičnom tekstu Zakona o uplatama na jedinstveni račun i raspodjeli prihoda,
14. Izvještaj Zajedničke komisije o nastojanju za postizanje sporazuma o identičnom tekstu Zakona o finansiranju institucija BiH,
15. Izvještaj Zajedničke komisije o nastojanju za postizanje sporazuma o identičnom tekstu zakona o carinskoj politici BiH,
16. Izvještaji o izvršenoj reviziji finansijskog poslovanja institucija BiH za 2003. godinu, sa Izvještajem Komisije za finansije i budžet, sljedećih institucija:
 - Agencije za statistiku BiH,
 - Državne granične službe BiH,
 - Instituta za standarde, mjeriteljstvo i intelektualno vlasništvo BiH,
 - Izborne komisije BiH,
 - Predsjedništva BiH,
 - Regulatorne agencije za komunikacije BiH,
 - Službe za zajedničke poslove institucija BiH,
 - Agencije za državnu službu BiH,
 - Agencije za unapređenje inozemnih investicija BiH,
 - Arhiva BiH,
 - Ministarstva civilnih poslova BiH,
 - Ministarstva vanjskih poslova BiH,
 - Parlamentarne skupštine BiH,
 - Pravobranilaštva BiH,
 - Suda BiH,
 - Tužilaštva BiH,
 - Ureda za veterinarstvo BiH,
 - Ustavnog suda BiH,
 - Agencije za informacije i zaštitu BiH,
 - Centra za uklanjanje mina BiH,
 - Direkcije za civilnu avijaciju BiH,
 - Direkcije za evropske integracije BiH,
 - Direkcije za implementaciju projekta CIPS,
 - Doma za ljudska prava BiH,
 - Instituta za akreditiranje BiH,
 - Komisije za zaštitu nacionalnih spomenika BiH,
 - Ministarstva finansija i trezora BiH,
 - Ministarstva vanjske trgovine i ekonomskih odnosa BiH,
 - Ministarstva za ljudska prava i izbjeglice BiH,
 - Ombudsmena za ljudska prava BiH,
 - Stalnog komiteta za vojna pitanja BiH,
 - Vijeća ministara BiH – Službe.

17. Izvještaj o stanju u odbrambenim i sigurnosnim strukturama u BiH (podnosilac Zajednička komisija za odbrambenu i sigurnosnu politiku),
18. Izvještaj Zajedničke komisije za odbrambenu i sigurnosnu politiku o prijedlogu zaključaka i mjera povodom rasprave o Informaciji o stanju sigurnosti Bosne i Hercegovine,
19. Prijedlog rezolucije o prihvatanju obaveza Otavskog dokumenta sa programom djelovanja međunarodne konferencije o populaciji i razvoju (ICPA) iz 2002. godine – predlaže poslanik Milorad Živković,
20. Prijedlog rezolucije o odgađanju slanja svih bh.vojnih i policijskih formacija u misije u inozemstvo do donošenja odgovarajućeg zakona i aktivnostima u ovoj oblasti (predlaže poslanik Zlatko Lagumdžija),
21. Prijedlog odluke o utvrđivanju prestanka poslaničkog mandata Nikoli Kragulju, poslaniku u Predstavničkom domu PSBiH,
22. Imenovanje tri člana u Zajedničku komisiju oba doma radi postizanja sporazuma o identičnom tekstu Zakona o osnivanju Izvozno-kreditne agencije BiH (IGA),
23. Razrješenje poslanika Mirka Blagojevića u Administrativnoj komisiji i Komisiji za finansije i budžet i izbor novog člana,
24. Davanje saglasnosti za ratifikaciju:
 - a) Ugovora između Vijeća ministara BiH i Vlade Republike Hrvatske o veterinarskoj saradnji,
 - b) Sporazuma o saradnji u oblasti turizma između Vijeća ministara BiH i Vijeća ministara Republike Albanije,
 - c) Sporazuma o razvojnom kreditu (Drugi projekt podrške zapošljavanju) između Bosne i Hercegovine i Međunarodne asocijacije za razvoj (SESP),
 - d) Sporazuma o razvojnom kreditu (Drugi kredit za prilagođavanje socijalnog sektora) između Bosne i Hercegovine i Međunarodne asocijacije za razvoj (SOSAC II),
 - e) Sporazuma između Vijeća ministara BiH i Vlade Republike Bjelorusije o drumskom prijevozu putnika i tereta,
 - f) Konvencije o saradnji na zaštiti i održivoj upotrebi rijeke Dunav (Konvencija o zaštiti rijeke Dunav),
25. Prijedlog autentičnog tumačenja stava 2. člana 29. Zakona o slobodnim zonama Bosne i Hercegovine,
26. Prijedlog odluke o utvrđivanju prestanka poslaničkog mandata Munibu Jusufoviću, poslaniku u Predstavničkom domu PSBiH.

Ad – 1: Zapisnik 46. sjednice Predstavničkog doma

Zapisnik 46. sjednice Doma usvojen je jednoglasno, bez primjedbi.

Ad – 2: Poslanička pitanja i odgovori

Predsjedavajući je upoznao Dom o tome na koja su pitanja stigli odgovori, a zatim su odgovore komentirali Sead Avdić, Vinko Zorić i Ivo Miro Jović.

Postavljena su nova poslanička pitanja kako slijedi:

Ljiljana Milićević:

“Na koji način je izvršen prijem lica u Istraživački centar pri Parlamentarnoj skupštini BiH, odnosno:

- da li je, kada i u kojem sredstvu informiranja bio raspisan konkurs?
- ko je odlučivao o prijemu lica?
- koliko je lica sa stalnim statusom primljeno i kakva je njihova nacionalna struktura?”

Jelina Đurković:

1.»Zašto Vijeće ministara BiH ne ispunjava svoju obavezu u okviru saradnje s Haškim tribunalom i svoj program rada za 2004. u dijelu koji se odnosi na osnivanje Komisije za ispitivanje istine o događajima u Sarajevu u vremenu od 1992. do 1995., a u vezi sa stradanjem Srba, Hvata, Bošnjaka i ostalih? Rok ističe za mjesec dana. Zašto komisija nije osnovana?»

2. Pokrenula je inicijativu da Predstavnički dom osnuje komisiju za utvrđivanje posljedica radijacije osiromašenog urana na zdravlje građana u BiH (Hadžići, Han Pijesak, Bratunac).

Muhamed Moranjkić:

«Nema nijednog skupštinskog materijala a da u njemu ne dođu ili neke intervencije, ili neke prijetnje, ili neke molbe, ili neke žalbe, pa tako i u ovom materijalu pojavilo se preduzeće «ELTA» koje ukazuje na kriminal i bezakonje koje caruje u ovoj državi. Ako je ovo istina (što pišu i tvrde iz «Elte») onda je ovo više od sramote – šta se radi u ovoj zemlji. Zato pitam Vijeće ministara, a preko njega i nadležne organe:

1. Da li je ovo što piše tačno (da se provjeri)?;

2. Čija je sve ovo odgovornost i ko po ovome treba poduzeti mjere i hoće li ih poduzeti?

P.S. Ako je ovo tačno, onda je ovo vapaj nemoćnog u nemoćnoj državi».

3. Kao prvi zamjenik predsjedavajućeg Komisije za saobraćaj i komunikacije došao sam do saznanja da se u ovom ministarstvu vrše nezakonite i kriminalne radnje pri raspodjeli CEMT dozvola (o čemu sam izvijestio ministra gospodina Dokića i predsjedavajućeg Vijeća ministara gospodina Terzića. Mjesecima svi šute, a na zaključak Komisije o ovom pitanju – niko ne odgovara.

Tražim od Vijeća ministara da ovo ispita i u problem da se uključi SIPA, a javno tražim od Antikorupcionog tima pri OHR-u da sve ovo proprati – jer je ovo bruka za ovu državu».

Miloš Jovanović:

«Šta je Ombudsmen za ljudska prava BiH odlučio o žalbi broj 5282/04. od 2.8.2004., koju su podnijeli smijenjeni zvaničnici iz Republike Srpske od strane visokog predstavnika za navodno kršenje osnovnih ljudskih prava i sloboda? »

Vinko Zorić:

«U koje zemlje svijeta građani iz BiH, s bh. pasošem, mogu putovati bez vize? Također me interesira iz kojih zemalja (s čijim pasošima) se može ući u Bosnu i Hercegovinu bez vize?»

Ruža Sopta:

«Da li je poznata trasa koridora 5c djelimično ili ukupno? Ako je djelimično, onda da nam se odgovori u kojim dijelovima je poznata?»

Ivo Miro Jović:

«Podstičem Predsjedništvo BiH za upućivanje protestne note za ponašanje zastupnika UN u BiH (Ž.P.Klajna) u slučaju ubistva ministra unutrašnjih poslova Federacije BiH pokojnog Joze Leutara».

Milorad Živković:

S obzirom na šarolikost saobraćajnih propisa unutar BiH (entiteti i kantoni), da li će se i ako hoće, kada ova problematika urediti jedinstveno na nivou čitave teritorije Bosne i Hercegovine?

Momčilo Novaković:

"Po kojim kriterijima je Uprava za indirektno oporezivanje izvršila izbor carinskih ispostava? Molim da mi se dostave kriteriji, gdje se odstupilo od kriterija i zbog čega? Da li je bilo naknadnog proširenja liste, na čiju inicijativu i po kojim kriterijima? Ima li procjena koliko će biti uvećani troškovi poslovanja privrednih subjekata zbog dužine čekanja na postupak carinjenja?"

Ad – 3: Zahtjev poslanika Mirsada Ćemana za razmatranje Prijedloga zakona o prijenosu poslova medijacije na udruženje medijatora po hitnom postupku, u skladu s članom 105. Poslovnika

Mirsad Ćeman ukratko je obrazložio zahtjev za hitni postupak, kao i Prijedlog zakona.

U raspravi su učestvovali: Momčilo Novaković, Mirsad Ćeman i Selim Bešlić, nakon čega se Dom izjasnio o zahtjevu predlagača. Za zahtjev glasalo je 18, protiv 12, uzdržala su se 3 poslanika. Po entitetima, iz Federacije BiH za je glasalo 17, iz Republike Srpske jedan. Prema tome, zahtjev nije dobio entitetsku većinu, pa je uslijedilo usaglašavanje u Kolegiju kao Komisiji.

Predsjedavajući je obavijestio Dom da nema saglasnosti i o zahtjevu proveo drugi krug glasanja, kojom prilikom su iz Federacije protiv glasala 4, a iz Republike Srpske 8 poslanika, što je manje od 2/3 iz entiteta.

Predsjedavajući je konstatirao da je usvojen zahtjev za hitni postupak, po članu 105. Poslovnika.

U okviru rasprave o Prijedlogu zakona diskutirao je Momčilo Novaković, a zatim je obavljeno glasanje.

Za Prijedlog zakona glasalo je 17, protiv 12, uzdržala su se 4 poslanika – od čega iz Federacije BiH 16, iz RS jedan.

Zbog nedostatka entitetske većine, provedeno je usaglašavanje u Komisiji Kolegija. Kako nije bilo saglasnosti, obavljen je drugi krug glasanja. Iz Republike Srpske protiv Prijedloga zakona glasalo 10, što je 2/3 iz entiteta.

Predsjedavajući je konstatirao da nije usvojen Prijedlog zakona o prijenosu poslova medijacije na udruženje medijatora.

Ad – 4: Zahtjev Administrativne komisije Predstavničkog doma za razmatranje Prijedloga zakona o dopuni Zakona o državnoj službi u institucijama BiH po hitnom postupku, u skladu s članom 105. Poslovnika

Vinko Zorić podnio je obrazloženje u ime Administrativne komisije koja je predlagač zakona.

U okviru ove tačke vođena je duža rasprava u kojoj su učestvovali: Nikola Špirić, Muhamed Moranjkić, Muhamed Altić, Petar Kunić, Jozo Križanović, Azra Hadžiahmetović, Vinko Zorić, Ljiljana Milićević, Milorad Živković, Mubera Ušanović i Ruža Sopta.

U raspravi o zahtjevu, uz ostalo, predlagano je da predlagač preinači svoj zahtjev tako da traži proceduru po članu 104. Poslovnika, kako bi se amandmanima mogle izvršiti popravke predloženog teksta, odnosno precizirati šta spada pod termin “teška bolest” i “teška invalidnost”. Međutim, Vinko Zorić rekao je da nema ovlaštenja da u ime Komisije mijenja zahtjev za proceduru, pa je predsjedavajući zahtjev dao na glasanje.

Za zahtjev je glasalo 14, protiv 11, uzdržalo se 6 poslanika – od čega su iz RS za glasala 3, a iz Federacije 11.

Kako nije bilo entitetske većine, provedeno je usaglašavanje u Komisiji Kolegija gdje nije postignuta saglasnost, pa je obavljen drugi krug glasanja. Iz Republike Srpske u drugom krugu glasanja protiv su glasala 4 poslanika, a iz Federacije 6.

S obzirom da nije bilo 2/3 protiv, predsjedavajući je konstatirao da je zahtjev za hitni postupak usvojen.

Prilikom glasanja o Prijedlogu zakona, za je glasalo 9, protiv 11, uzdržalo se 11 poslanika.

Prema tome, Dom nije usvojio Prijedlog zakona o dopuni Zakona o državnoj službi u institucijama BiH.

Ad – 5: Zahtjev Administrativne komisije Predstavničkog doma za razmatranje Prijedloga zakona o dopuni Zakona o radu u institucijama BiH po hitnom postupku u skladu s članom 105. Poslovnika

U okviru ove tačke nije bilo rasprave, pa je predsjedavajući na glasanje dao zahtjev za hitni postupak.

Od 32 prisutna za zahtjev je glasalo 11, protiv 13, uzdržalo se 8 poslanika.

Prema tome, zahtjev nije dobio većinu prisutnih, pa je predsjedavajući konstatirao da će se Prijedlog zakona o dopuni Zakona o radu u institucijama BiH razmatrati u redovnoj proceduri.

Ad – 6: Zahtjev Predsjedništva BiH za razmatranje Prijedloga zakona o izmjenama i dopunama Zakona o Centralnoj banci BiH po hitnom postupku, u skladu s članom 104. Poslovnika

Sa 29 glasova za i 3 protiv Dom je usvojio zahtjev Predsjedništva BiH da se Prijedlog zakona o izmjenama i dopunama Zakona o Centralnoj banci BiH razmatra po hitnom postupku, u skladu s članom 104. Poslovnika Doma.

Ad – 7: Prijedlog zakona o učešću pripadnika oružanih snaga BiH, državnih službenika i ostalih zaposlenih u mirovnim operacijama i drugim aktivnostima u inozemstvu (prvo čitanje) – predlagač poslanik Momčilo Novaković,

Uvodne napomene dao je predsjedavajući Doma Martin Raguž.

U raspravi su učestvovali: Sead Avdić, Jozo Križanović, Milorad Živković, Adem Huskić, Šefik Džaferović, Momčilo Novaković, kao i zamjenica ministra odbrane Marina Pendeš.

Nakon rasprave, Dom je, sa 28 glasova za i 2 uzdržana, u prvom čitanju usvojio Prijedlog zakona o učešću pripadnika oružanih snaga BiH, državnih službenika i ostalih zaposlenih u mirovnim operacijama i drugim aktivnostima u inozemstvu.

Ad – 8: Prijedlog zakona o izmjeni Zakona o sistemu indirektnog oporezivanja u BiH sa Izvještajem Komisije za finansije i budžet – (predlagač Zakona poslanik Momčilo Novaković)

U uvodnim napomenama predsjedavajući je skrenuo pažnju da je izvještaj nadležne komisije negativan o Prijedlogu ovog zakona i podsjetio na odredbe koje se u ovom slučaju primjenjuju.

Momčilo Novaković podnio je Domu obrazloženje Prijedloga zakona, a kraće je diskutirao Jozo Križanović. Nakon rasprave, predsjedavajući je na glasanje dao Izvještaj nadležne komisije.

Za Izvještaj je glasao 21, protiv 11, uzdržala su se 2 poslanika. Po entitetima, iz Federacije za je glasalo 20, iz RS jedan. Prema tome, nije bilo entitetske većine, pa je predsjedavajući konstatirao da će Kolegij naknadno provesti usaglašavanje.

Ad – 9. do 15: Izvještaji o usaglašavanju identičnog teksta zakona:

Predstavnički dom usvojio je izvještaje zajedničkih komisija o usaglašavanju identičnog teksta:

- Zakona o Agenciji za unapređenje inozemnih investicija u BiH,
- Zakona o izmjenama i dopunama Zakona o Sudu BiH,
- Zakona o izmjenama i dopunama Zakona o Tužilaštvu BiH,
- Zakona o ustupanju predmeta od strane Međunarodnog krivičnog suda za bivšu Jugoslaviju Tužilaštvu Bosne i Hercegovine i korištenju dokaza pribavljenih od Međunarodnog krivičnog suda za bivšu Jugoslaviju u postupcima pred sudovima u Bosni i Hercegovini,
- Zakona o uplatama na jedinstveni račun i raspodjeli prihoda,
- Zakona o finansiranju institucija BiH i
- Zakona o carinskoj politici BiH.

Ad – 16: Izvještaji o izvršenoj reviziji finansijskog poslovanja institucija BiH za 2003. godinu, sa Izvještajem Komisije za finansije i budžet:

Predsjedavajući Doma u uvodnim napomenama skrenuo je pažnju poslanika na glavni izvještaj nadležne komisije o razmatranju izvještaja Ureda za reviziju o reviziji svih institucija za 2003., u kojem je Komisija Domu na usvajanje predložila devet zaključaka, kao i na izvještaje o reviziji svake institucije pojedinačno, s preporukama i zaključcima.

U raspravi u okviru ove tačke učestvovali su: Ruža Sopta, Beriz Belkić, Muhamed Moranjkić, Šefik Džaferović, Hazim Felić, Mladen Potočnik, Ibrahim Đedović, Sead Avdić, Selim Bešlić, Milorad Živković, Ljiljana Milićević, Ivo Miro Jović, Momčilo Novaković, Jozo Križanović i Miloš Jovanović.

Nakon rasprave, predsjedavajući je konstatirao da su zaključci koje je na usvajanje Domu predložila Komisija za finansije i budžet veoma konzistentni i da su u njima definirani rokovi i nosioci, te da je u raspravi podržan i prijedlog za dopunu zaključaka, da se kao 10. tačka navede - da se nadležna komisija zadužuje da svaka tri mjeseca Domu podnosi izvještaj o realizaciji svih devet zaključaka.

Sa 33 glasa za i jednim uzdržanim, Dom je usvojio izvještaje Ureda za reviziju institucija BiH (32 institucije navedene u tački dnevnog reda), sa zaključcima predloženim u glavnom izvještaju Komisije, kao i izvještaje Komisije s preporukama i zaključcima.

Ad – 17: Izvještaj o stanju u odbrambenim i sigurnosnim strukturama u BiH (podnosilac Zajednička komisija za odbrambenu i sigurnosnu politiku)

U okviru ove tačke nije bilo rasprave.

Dom je usvojio Izvještaj Zajedničke komisije o stanju u odbrambenim i sigurnosnim strukturama u BiH, kao i Izvještaj o stanju u odbrambenim i sigurnosnim strukturama u BiH, koji čine Izvještaj Ministarstva odbrane o statusu reforme u odbrambenom sistemu BiH i implementaciji reformskih rješenja i Informacija Ministarstva sigurnosti o popunjenosti ljudstvom Državne agencije za istrage i zaštitu i Državne granične službe BiH na dan 26.10.2004. godine.

Izvještaj je usvojen sa 26 glasova za i 3 uzdržana.

Ad – 18: Izvještaj Zajedničke komisije za odbrambenu i sigurnosnu politiku o prijedlogu zaključaka i mjera povodom rasprave o Informaciji o stanju sigurnosti BiH

U okviru ove tačke diskutirali su Miloš Jovanović i Jozo Križanović.

Nakon rasprave, predsjedavajući je konstatirao da se mogu prihvatiti prijedlozi Joze Križanovića da se dopuni 1. tačka, briše 3. tačka i dopuni 4. tačka predloženih zaključaka. Zatim je na glasanje dao Izvještaj Zajedničke komisije sa zaključcima dopunjenim prijedlozima Joze Križanovića, kako je iznio predsjedavajući.

Sa 25 glasova za i jednim protiv usvojen je Izvještaj Zajedničke komisije o prijedlogu zaključaka i mjera povodom rasprave o Informaciji o stanju sigurnosti BiH. Tekst zaključaka je sljedeći:

1. Predstavnički dom PSBiH cijeni da stanje sigurnosti u BiH nije zadovoljavajuće, te traži od nadležnih organa da sačine plan aktivnosti i preduzmu hitne systemske i operativne mjere radi otklanjanja uočenih negativnih pojava. Traži se od Vijeća ministara BiH da, na osnovu ovih informacija, izvijesti Predstavnički dom.
2. Dom poziva Predsjedništvo BiH da konačno donese dokument Sigurnosna politika Bosne i Hercegovine.
3. Dom zahtijeva od Vijeća ministara BiH i Ministarstva sigurnosti BiH da informaciju o stanju sigurnosti dostavljaju svakih šest mjeseci, a Ministarstvo sigurnosti će, kada ocijeni potrebnim, dostaviti Domu i posebne izvještaje koji obrađuju specifične pojave u oblasti sigurnosti. Informacija treba sadržavati sve oblasti (institucije SIPA-a, OSA, MUP-ovi, DGS i druge) koje

treba da preuzmu odgovornost za stanje sigurnosti u Bosni i Hercegovini. Dom zahtijeva od Vijeća ministara BiH i Ministarstva sigurnosti BiH da informacije o stanju sigurnosti budu dopunjene pitanjima maloljetničke delinkvencije, podacima o nerazjašnjenim ubistvima po općinama od potpisivanja Dejtonskog sporazuma, pitanjima zloupotrebe u radu pojedinih organa koji se odnose na nezakonito prisluškivanje pojedinih građana, te da u prijedlogu mjera jasno definiraju uzročnike destabilizacije sigurnosti.

4. Dom zahtijeva preduzimanje energične akcije policije u vezi s krivičnim djelima podmetanja eksplozivnih naprava, kako bi se počinioci, inspiratori i organizatori ovih djela što prije priveli sudu pravde, te kako bi se ovakve i slične kriminalne radnje u budućnosti prevenirale i spriječile.
5. Dom zahtijeva od Vijeća ministara da odmah pristupi usklađivanju krivičnog zakonodavstva s Evropskom konvencijom o zaštiti ljudskih prava i osnovnih sloboda u pogledu regulacije pritvora, da predloži teže sankcije za učinioce krivičnih djela, jer je očigledno da propisane sankcije nisu adekvatne, te da se pokrene hitan postupak izmjena određenih članova Krivičnog zakona koji reguliraju pitanje posjedovanja oružja bez odobrenja nadležnog organa.
6. Dom zahtijeva od Vijeća ministara da posebnu pažnju posveti sigurnosti u saobraćaju, te da ponudi potrebne zakone na nivou Bosne i Hercegovine za efikasnu borbu protiv droge, trgovine ljudima, organiziranog kriminala, korupcije, terorizma i sl., osiguravajući saradnju organa BiH, regionalnu, evropsku i saradnju s državama cijelog svijeta, s ciljem preveniranja, sprečavanja, otkrivanja i sankcioniranja potencijalnih i stvarnih počinitelja svih krivičnih djela.
7. Zahtijeva se od Vijeća ministara BiH ponovno uspostavljanje ustanove ili ustanova za smještaj i odgoj maloljetnih delinkvenata, najkasnije do 31.12.2004. godine.
8. Do kraja tekuće godine nadležne institucije treba da ulože maksimalne napore radi stavljanja u punu operativnost Državne agencije za istrage i zaštitu (SIPA), što podrazumijeva preduzimanje svih mjera radi rješavanja problematike trajnog smještaja SIPA-e i njene kadrovske popune.
9. Potrebno je nastaviti daljnje aktivnosti na usklađivanju viznog režima s viznim režimom šengenskih zemalja.
10. Vijeće ministara BiH i ostale nadležne institucije treba da rade na donošenju i harmoniziranju podzakonskih propisa u oblasti imigracije i azila.
11. Treba potpisati sporazum sa Srbijom i Crnom Gorom o prihvatu ilegalnih imigranata radi vraćanja u matične zemlje, riješiti problem repatrijacije te osigurati prihvatilišta za strance. Nadležne institucije treba da rade na poboljšanju socio-ekonomskih i finansijskih uslova za rad policije oba entiteta, kao i iznalaženju sredstava za njihovo kvalitetnije opremanje, koristeći dosadašnja iskustva i saradnju s Evropskom komisijom CARDS.
12. Nadležne institucije, u saradnji s Direkcijom za implementaciju CIPS projekta, treba da rade na izgradnji jedinstvenih informacijsko-sigurnosnih sistema u BiH kroz osnivanje specijalnih radnih grupa za analizu studija izvodljivosti pojedinih sigurnosnih informacijskih projekata u BiH, do uspostavljanja Agencije za informacijsko društvo, kao i izradi jedinstvenih sigurnosnih baza podataka iz raznih oblasti.
13. Nadležne institucije treba da rade na osnivanju radnih grupa koje će u završnici dati prijedloge jedinstvenih akcionih planova ili strategije za borbu protiv korupcije i borbu protiv privrednog kriminaliteta na nivou BiH, te raditi na razvoju jedinstvenog metodološkog sistema evidentiranja i praćenja svih javnih oblika krivičnih djela koji utiču na stanje sigurnosti u BiH kroz Sektor za strateške analize i procjenu pri Ministarstvu sigurnosti.

Ad – 19: Prijedlog rezolucije o prihvatanju obaveza Otavskog dokumenta s programom djelovanja međunarodne konferencije o populaciji i razvoju (ICPA) iz 2002. godine – predlađač poslanik Milorad Živković

Podnosilac Rezolucije Milorad Živković podnio je Domu obrazloženje. Zatim je Dom jednoglasno usvojio Rezoluciju o prihvatanju obaveza Otavskog dokumenta s programom djelovanja međunarodne konferencije o populaciji i razvoju (ICPA) iz 2002.

Ad – 20: Prijedlog rezolucije o odgađanju slanja svih bh. vojnih i policijskih formacija u misije u inozemstvo do donošenja odgovarajućeg zakona i aktivnostima u ovoj oblasti (predlagač poslanik Zlatko Lagumdžija)

U uvodnim napomenama predsjedavajući Martin Raguž podsjetio je poslanike da nadležna komisija nije prihvatila tekst Rezolucije.

U raspravi su učestvovali Jozo Križanović i Sead Avdić.

Nakon rasprave, predsjedavajući je na glasanje dao Prijedlog rezolucije. Od 33 prisutna, za je glasalo 10, protiv 18, uzdržalo se 5 poslanika.

Predsjedavajući je konstatirao da Prijedlog rezolucije nije dobio opću većinu, te da nije usvojen.

Ad – 21: Prijedlog odluke o utvrđivanju prestanka poslaničkog mandata Nikoli Kragulju, poslaniku u Predstavničkom domu Parlamentarne skupštine BiH

U uvodnim napomenama predsjedavajući Martin Raguž podsjetio je poslanike da je Nikola Kragulj podnio ostavku na dužnost poslanika zbog izbora za načelnika Općine Gradiška.

Selim Bešliagić u kratkoj diskusiji predložio je da Dom izrazi zahvalnost Nikoli Kragulju za savjestan rad u Parlamentu i čestitao mu na izboru za načelnika.

Povodom ove tačke Azra Hadžiahmetović, pridružujući se diskusiji Selima Bešliagića, pokrenula je inicijativu da se pristupi izmjeni Izbornog zakona, između ostalog, i u odredbama koje propisuju prestanak mandata. Naglasila je da je apsurd da Dom treba da utvrđuje prestanak mandata poslaniku, već da bi to trebalo da čini Izborna komisija automatizmom, kao organ koji je odgovoran za provođenje Izbornog zakona.

Nakon rasprave, predsjedavajući Doma saglasio se s inicijativom Azre Hadžiahmetović, pa je Prijedlog odluke dao na glasanje.

Sa 29 glasova za i jednim protiv Dom je usvojio odluku o utvrđivanju prestanka poslaničkog mandata Nikoli Kragulju zbog izbora na dužnost načelnika Općine Gradiška.

Ad – 22: Imenovanje tri člana u Zajedničku komisiju oba doma radi postizanja sporazuma o identičnom tekstu Zakona o osnivanju Izvozno-kreditne agencije BiH (IGA)

U zajedničku komisiju imenovani su: Ljiljana Milićević, Adem Huskić i Filip Andrić.

Ad – 23: Razrješenje poslanika Mirka Blagojevića u Administrativnoj komisiji i Komisiji za finansije i budžet i izbor novog člana

Zbog ostavke Mirko Blagojević razriješen je dužnosti člana Administrativne komisije i Komisije za finansije i budžet. Za razrješenje glasalo je 25, protiv 2, uzdržalo se 5 poslanika.

Za nove članove komisija jednoglasno su izabrani:

- Nikola Špirić – za člana Administrativne komisije i
- Marija Perkanović – za člana Komisije za finansije i budžet.

Ad – 24: Davanje saglasnosti za ratifikaciju

Dom je jednoglasno dao saglasnost za ratifikaciju:

- a) Ugovora između Vijeća ministara Bosne i Hercegovine i Vlade Republike Hrvatske o veterinarskoj saradnji,
- b) Sporazum o saradnji u oblasti turizma između Vijeća ministara Bosne i Hercegovine i Vijeća ministara Republike Albanije,
- c) Sporazuma o razvojnom kreditu (Drugi projekat podrške zapošljavanju) između Bosne i Hercegovine i Međunarodne asocijacije za razvoj (SESP),

- d) Sporazuma o razvojnom kreditu (Drugi kredit za prilagođavanje socijalnog sektora) između Bosne i Hercegovine i Međunarodne asocijacije za razvoj (SOSAC II),
- e) Sporazuma između Vijeća ministara BiH i Vlade Republike Bjelorusije o drumskom prijevozu putnika i tereta,
- f) Konvencije o saradnji na zaštiti i održivoj upotrebi rijeke Dunav (Konvencija o zaštiti rijeke Dunav).

Ad – 25: Prijedlog autentičnog tumačenja stava 2. člana 29. Zakona o slobodnim zonama Bosne i Hercegovine

U okviru ove tačke nije bilo rasprave.

Dom je jednoglasno usvojio autentično tumačenje stava 2. člana 29. Zakona o slobodnim zonama Bosne i Hercegovine.

Ad – 26: Prijedlog odluke o utvrđivanju prestanka poslaničkog mandata Munibu Jusufoviću, poslaniku u Predstavničkom domu PSBiH

Predsjedavajući Martin Raguž podsjetio je poslanike na stavove Izborne komisije u vezi s Odlukom Doma o uslovnoj suspenziji mandata poslanika Muniba Jusufovića, koje su poslanici dobili.

Povodom Prijedloga odluke vođena je duža rasprava u kojoj su učestvovali: Muhamed Moranjkić, Adem Huskić, Martin Raguž, Mladen Potočnik, Beriz Belkić, Ljiljana Milićević, Ibrahim Đedović, Nikola Špirić, Sead Avdić, Mirsad Ćeman i Jozo Križanović.

Muhamed Moranjkić predložio je da se, zbog nejasnoća u slučaju Muniba Jusufovića, usvoji zaključak kojim će se od Ustavnopravne komisije zatražiti tumačenje kompletne situacije u vezi sa poslaničkim mandatom Muniba Jusufovića.

Nakon rasprave, Dom se prvo izjasnio o Prijedlogu odluke o utvrđivanju prestanka mandata.

Od 33 prisutna za Prijedlog odluke glasalo je 6, protiv 14, uzdržalo se 13 poslanika.

Predsjedavajući je konstatirao da nije usvojen Prijedlog odluke o utvrđivanju prestanka mandata poslanika u Predstavničkom domu Munibu Jusufoviću.

Na prijedlog iz rasprave, **Dom je usvojio zaključak kojim se od Ustavnopravne komisije traži da do naredne sjednice Doma dostavi autentično tumačenje člana 1.10. Izbornog zakona Bosne i Hercegovine, sa aspekta situacije u vezi s poslaničkim mandatom Muniba Jusufovića.**

Ovim je realiziran dnevni red 47. sjednice.

Predsjedavajući Raguž obavijestio je poslanike da 8. decembra ističe osmomjesečni mandat njegovog predsjedavanja Domom i da će u narednih osam mjeseci predsjedavati Šefik Džaferović. Zahvalio je poslanicima na saradnji i Šefiku Džaferoviću poželio uspješan rad.

Sjednica je završena u 18,50 sati.

Sastavni dio Zapisnika je transkript 47. sjednice Predstavničkog doma.

SEKRETAR
PREDSTAVNIČKOG DOMA
Branka Todorović

PREDSJEDAVAJUĆI
PREDSTAVNIČKOG DOMA
Martin Raguž